



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 17. Perversa Ragotsianorum molimina.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. impositionibus abstinerent, illata damna refarcirent, præfatasque Urbes unacum omnibus suis juribus, proventibus, &c. Archiepiscopatui Coloniae restituerent. Verum Rhenoberga, primum Anno 1715. per Badensem pacem Coloniae Capitulo a Calvinicis reddebatur. Adeo promptæ sunt Sectariorum manus ad rapiendum, & turpidæ ad restituendum.

§. XVII.

Perversa Ragotianorum molimina.

Wagner
Hist. Jos. I.
Imper.
pag. 108.

ENIM vero Hungarica hujus anni expeditione nec præliis, nec victoriis, nec urbium expugnationibus memorabilis erat, magnarum tamen rerum præfaga videbantur esse vasta confilia, quibus hæretici rebelles ductore Ragotio depressa religione Catholica per totam Hungariam sectæ suæ vexillum erigere, ipsamque Domum Austriacam funditus excindere moliebantur: Preprimis igitur Ragotius se in Transylvaniam Principem a suæ factionis affectu proclamari fecit, inque publicis literis ac diplomatibus hunc titulum sibi attribuit, habitoque Rosenavii conventu bellum contra Cæsareos totis viribus prosequendum, cunctosque sibi adversaturos ferro flammaque tanquam

triæ proditores infectandos esse decrevit: Incassum Imperator rebelles a cruentis hisce consiliis avertere, Hungarosque ad debiti obsequii leges revocare nitentur, jam enim rebelles eo temeritatis prolapsi sunt, ut non modo Jesuitas e toto Regno deturbari peterent, sed etiam Onothi Mense Junio conventum haberent, in quo inter præcipuos sui conciliabuli articulos, Josepho Regi suo omne obsequium denegantes, ejusdem solium vacare declarabant, missisque ad Principes Christianos literis eos desuper certiores reddebant. Nec his contenti, insuper Berezenium, aliosque ad Magnum Moscoviæ Ducem ablegabant, Hungariæ diadema ejus Filio offerentes, simulque pecuniarum subsidia ad continuandum bellum petentes. Verum Dux petitionis indignitatem aversatus, hosce Oratores non sine indignatione remisit, ac insuper misso Romam Kurakino Duce Pontifici significabat, quod liberum publicumque Religionis Catholicæ exercitium in sua ditione permittere, Conventum PP. Capuccinorum & Ecclesiam domumque pro Jesuitis unacum Gymnasiis erigere, & Missionariis liberum ad Sinas transitum permittere constituerit. Interim vero Tiggeus Cæsareus Bellidux in Transylvania

Sæc. XVII.
A. C. 1707.

Sæc. XVII. A.C. 1707. niam movens, quinque rebellium milia fudit, fugavitque, & Guido Strenbergius Tyrnaviam præsidio, & Trenchinius Leopoldopolim, quo Rogotius cum duodecim suorum milibus contenderat, semestri annoa communivit, ac demum Nitria incensum tentata, maximis itineribus Comoram, ibidemque Danubio trajecto ad Scarabantiam movit, depulsoque in Austriæ finibus terrore Hungaricam hujus anni expeditionem finiit, peropportune tamen adhuc Rabutinus Pappæ cæsis rebellibus nova militum supplementa in Transylvaniam invexit. Cognitis autem rebellium consiliis Pontifex die secunda Septembris ad omnes Hungariæ Præsules literas dedit, in quibus suum dolorem testabatur, eo quod non modo rebelles ad denuntiandum promulgandumque interregnum progressi sint, sed etiam Præsulum nulli talia molientibus adhæserint: propterea omnia hucusque contra legitimi Regis auctoritatem attentata improbavit, atque interminatis poenitentibus, ne Præsules ad novi Regis electionem ullo pacto concurrerent.